



Zmaja od Bosne 47b,  
71000 Sarajevo,  
Bosna i Hercegovina



T ++ 387 (33) 72 14 00  
F ++ 387 (33) 66 88 11



E agencija@fba.ba  
W www.fba.ba



BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO  
FEDERACIJE BOSNE I HERCEGOVINE

Broj: 05-460-4/24  
Sarajevo, 23.02.2024. godine

Na osnovu člana 23. stav (1) tačka m) i r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b) i člana 70. Zakona o javnim nabavkama („Službeni glasnik BiH“, broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 66/16), direktor Agencije za bankarstvo Federacije BiH donosi

## **O D L U K U**

### **o izboru najpovoljnijeg ponuđača u postupku nabavke usluga**

#### **Član 1.**

Prihvata se preporuka Komisije za javne nabavke iz Zapisnika o pregledu i ocjeni ponuda, br. 05-460-3/24 od 23.02.2024. godine u postupku nabavke usluga internog bifea za potrebe Agencije za bankarstvo Federacije BiH, te se ugovor dodjeljuje ponuđaču „Break“ d.o.o. Sarajevo.

#### **Član 2.**

Ukupna vrijednost ugovora iz člana 1. ove odluke za period od jedne godine iznosi 89.602,00 KM, bez poreza na dodanu vrijednost (PDV), što sa uračunatim PDV-om iznosi 104.834,34 KM.

#### **Član 3.**

Ova Odluka bit će objavljena na internetskoj stranici ugovornog organa (www.fba.ba), istovremeno sa upućivanjem iste ponuđaču koji je učestvovao u postupku javne nabavke, u skladu sa odredbom člana 70. stav (6) Zakona o javnim nabavkama.

#### **Član 4.**

Za izvršenje ove odluke zadužuje se i ovlašćuje Sektor zajedničkih funkcija.

#### **Član 5.**

Ova odluka stupa na snagu danom donošenja.

## OBRAZLOŽENJE

Postupak javne nabavke usluga internog bifea pokrenut je Odlukom o pokretanju postupka javne nabavke usluga, broj: 05-460/24 od 01.02.2024. godine.

Javna nabavka usluga sprovedena je u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 66/16). U skladu s odredbom člana 7. stav (3) Pravilnika o postupku dodjele ugovora o uslugama iz Aneksa II Zakona o javnim nabavkama, ugovorni organ je pripremio i objavio Poziv za dostavu ponuda na Portalu javnih nabavki. Procijenjena vrijednost nabavke utvrđena je u iznosu od 89.700,00 KM, bez poreza na dodanu vrijednost (PDV).

Posebnim Rješenjem broj: 05-460-1/24 od 16.02.2024. godine, imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda, broj: 05-460-3/24 od 23.02.2024. godine, u kojem je utvrđeno da je po predmetnom postupku nabavke evidentirana 1 (jedna) pravovremeno pristigla ponuda od strane ponuđača „Break“ d.o.o. Sarajevo.

Na osnovu izvršene analize i ocjene pristigle ponude od strane navedenog ponuđača u pogledu kvalifikacijskih i cjenovnih uslova javne nabavke, Komisija je utvrdila da ista ispunjava sve uslove i zahtjeve iz Poziva za dostavu ponuda, pa je Komisija dala preporuku da se navedenom ponuđaču, saglasno članu 64. stav (1) tačka b) Zakona o javnim nabavkama, dodijeli ugovor za javnu nabavku predmetnih usluga na period od jedne godine.

Slijedom navedenog, odlučeno je kao u dispozitivu.

### Pouka o pravnom lijeku:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama („Službeni glasnik BiH“, broj: 39/14).

### Dostaviti:

- „Break“ d.o.o. Sarajevo
- Sektor zajedničkih funkcija
- a/a

  
**DIREKTOR**  
Jasmin Mahmužić

